

جریدہ علیہ

مشيخت جليلہ اسلاميك جريدہ رسميه ميدير

ربيع الاخر سنه ۱۳۴۰

عدد ۷۱

شمديلك آيده بر نشر اولنور

برنجي سنه

اجوبه شرعيه

پنبه امضالی ۲۰ ذی الحجه ۳۳۹ تاريخنده فتواخانه به بالورود ، اشقيادن اولان زید هندی قتل ايله تهديد ایدرک هندک اراضی امیریه و ملک باغچه سنی مبلغ معلوم اولمیه رق مأموری حضورنده کندی اوزرینه طاوو ایتدیرسه هند مذکور اراضی امیریه و باغچه یی استردادده قادره اولوب اوله میه جفی استفتاسنه دأثر جوابدر :

§ املاکک حین بیعنده و اراضی امیریه نك مأموری حضورنده حین فراغده هندک اکراه معتبر ايله مکرهه اولدینی برنهیج شرعی تحقّق ایتدیکی صورتده کرک ملک منزلی و کرک اراضی امیریه و باغچه سنی مکره دن استردادده قادره اولور .

۱۹ ذی الحجه ۳۳۹

* * *

عایشه امضالی ۹ آغستوس ۳۳۷ تاريخنده فتوا خانه به بالورود ، وفات ایدن زیدک زوجه سی هند ترکدن حصه آلمق ایستدکده زیدک ورثه سی متوفای مزبور زید سنی وفاتندن درت کون مقدم حال سحتنده طلاق ثلثه ايله تطليق ایتشیدی دیو دعوی ایتسه لر هند وفاتنه قدر زوجه مدر دیو اقرار ایتشیدی دیو دفعه قادره اولوب اوله میه جفی استفتاسنه دأثر جوابدر :

§ حادثیه نظراً مزبور تان خدیجه وزینب طرفندن ادعا ایدیلان طلاق ثلثه بالینه ثابت اولدینی صورتده زوجیت دعواسی مسموعه اولماز ثابت اولمیدینی تقدیرده زوجه مزبوره مطلقه اولدینی بیلمدیکنه تحلیف اولنور .

۱۷ ذی الحجه ۳۳۹

* * *

محمد نوری امضالی ۷ آغستوس ۳۳۷ تاريخنده فتواخانه به بالورود ، زید متصرف اولدینی بر باب وقف منزلی همروه بدل معلوم مقابلنده فراغه بکری توکیل ایدوب بدل فراغی آلدقدنصکره زید وفات ایتش اولسه وکیل مومی الیه بکر اعطای تقریره اجبار ایدیلوب ایدیه میه جکی استفتاسنه دأثر جوابدر :

§ مآله نظراً بدل مقبوض مذکور رد اولمذبحه بکر وکلندن منزل اولماز .

۱۸ ذی الحجہ ۳۳۹

* *

محمد امضالی ۱۱ آغستوس ۳۳۷ تاریخنده فتواخانهیه بالورود، زیدک متصرف اولدینی آغاچ اوزربنه عمرو طرفندن وضع ایدیلاں قوانه کلان آریلره زید مداخله ایده بیلورمی واریینی احراز چینده مذکور آغاچ زید ایله عمروی بینده مشترک اولوب اوله میه جنی استفتاسنه دائر جوابدر :

§ مآله نظراً عمرو مزبورک قوانه داخل اولان آریلر عمروک اولور .

۲۰ ذی الحجہ ۳۳۹

* *

محمد امضالی ۱۳ آغستوس ۳۳۷ تاریخنده فتواخانهیه بالورود یکرمی بر یاشنده بالغه و سن رشده واصله اولان هند مأمونه با کره پدری زیددن نفقه طلب و دعوی ایتدکه پدری مزبورده مجرد با کره اولدیغندن عاقله سنه ضعی طلب ایدوب ایدمه جی استفتاسنه دائر جوابدر :

§ مآله نظراً هند مزبورده، باباسی نفسنه ضم ایله حفظ ایتیمی مقتضیات شرع عالیدندر .

۱۸ ذی الحجہ ۳۳۹

* *

عبدالنافع امضالی ۲۱ آغستوس ۳۳۷ تاریخنده فتواخانهیه بالورود، بلاذن حاکم بر متولی وقفک مسقفاتندن برینی بش سنه مدته آخره ایجار ایتدکه صحیح و مشروع اولوب اوله میه جنی استفتاسنه دائر جوابدر :

§ مآله نظراً قصیر اولسون طویل اولسون واقف مدت ایجاری تعیین ایتش ایسه شرط واقفه اتباع لازم اولمغله متولی موقوف مذکور شرط واقف موجبنه اذن حاکمسن اجر مثلیله آخره ایجار ایدمه بیلر آنجق واقف مدت تعیین ایتماش ویا مدت قصیره ایله ایجارینی شرط ایتش ایسه مدت طویله ایجار ایچون نزد قاضیده حاجت و مصلحت شرعیه تحقق ایتدکدنصکره موقوف مذکور اذن قاضی ایله آخره ایجار اولانه بیلور .

۱۶ ذی الحجہ ۳۳۹

* *

محمد توفیق امضای ۱۳ ایلول ۳۳۷ تاریخده فتواخانهیه بالورود، اوچ کشینک تصرفی ووطقسان سنه مروریه حاصل اولان تعامل قدیم شرط واقفدن اقوی اولوب، اوله میه جنی استفتاسنه دأثر جوابدر :

§ وجه شرعی اوزره ثابت اولان شرط واقف خلافده تعامله اعتبار اولماز .

۱۲ محرم ۳۴۰

* *

حسام الدین امضای ۲۱ ایلول ۳۳۷ تاریخده فتواخانهیه بالورود، برحیات اولدینی ثابت اولوب غائب عن البلد اولان زید مسلمک مققود عدیه قیم نصب اولوب اوله میه جنی وقیم مزبور زید غائبک له وعایهنده خصم اولوب اوله میه جنی استفتاسنه دأثر جوابدر :

۲۸ محرم ۳۴۰

* *

کامل امضای ۲۶ ایلول ۳۳۷ تاریخده فتواخانهیه بالورود، اون یاشنده اولوب زمن علتیه معلول اولمان صغیرک حق حضانه و تربیه سی ذات الزوج اولمان والده سی ایله لابوین عمومجه سندن هنکیسنه عائد اوله جنی استفتاسنه دأثر جوابدر :

§ مآله نظراً صغیر مزبور لابوین عمی زیده تسلیم اولنقی ایجاب ایدر .

۲۶ محرم ۳۴۰

* *

رمزی امضای ۲۷ ایلول ۳۳۷ تاریخده فتواخانهیه بالورود، زید مؤذن جماع لفظیه عمرو مسلمک دیننه وایمانه شتم ایلسه زیده شرعاً نه لازم کله جکی استفتاسنه دأثر جوابدر :

§ مآله نظراً مؤذن، مزبورک دین وایمانه بالمواجهه شتم وسب ایلدیکی تحقیق ایتدیکی صورتده تجدید و تعزیر و زوجه سنک رضاسیله تجدید نکاح اولنقی ایجاب ایدر .

۲۸ محرم ۳۴۰

* *

حسین حسنی امضای ۱ تشرین اول ۳۳۷ تاریخده فتواخانهیه بالورود، بر کیمسه اجازتینلو بروقف بنایی اشترا ایتدکدنصکره مذکور بنایی هدم ایده رک یرینه اذن شرعی

واذن متولی لاحق اولمقسزین مجددآ بنا انشا ایله ملکیت ادعاسنده بولتسه عیجیح اولوب اولمادیفی استفتاسنه دائر جوابدر :

§ مآله نظرآ زید مزبور مستحق القلم اوله رق اول بنایه مالک اولور سده استهلاك ایتدیکی بنانک مبنیاً قیمتی متولی وقفه ضامن اولور .
۸ صفر ۳۴۰

*
* *

مصطفی شا کر امضالی ۲۹ ایلول ۳۳۷ تاریخنده فتواخانهیه بالورود عمومه عائد اولان دریادن بر محلی کندی ماللریله کندی ناملرینه املایدن پادشاهان عظامک محل مذکور ی بلا قید و شرط تملک ایتسی مشروع اولوب اوله مینه جنی استفتاسنه دائر جوابدر :

§ مآله نظرآ پادشاه کندی مالندن مبالغ صرفیه نفسیچون لاجل التملک دریادن املا واحیا ایتدیرمش اولدینی محللره شرعاً مالک اولور .
۲۹ صفر ۳۴۰

